



Jens NapātōK', Naleraq
Inatsisartuni ilaasortaq
inatsisartut@inatsisartut.gl

30-05-2025
Sags nr. 2025 - 11166
Akt. id. 25386901

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

004_2025 §37-mut umiartortut sulinngiffeqarlutik feriarnersiuteqartarnerannut tunngasumut akissutit

Asasara Jens NapātōK'.

Inatsisartut suleriaasianni § 37 imm. 1 najoqqutaralugu Naalakkersuisunut umiartortut sulinngiffeqarlutik feriarnersiuteqartarnerannut tunngasumut apeqquteqarputit. Apeqqutit susassaqaarfinit akissuteqarfigineqassapput.

1. Namminersortuni, pisortani, ingerlatsiviillu inuiaqatigiit pigisaanni umiartortut sulinngiffeqarlutik feriarnissamut, feriarnersiuteqarnissamut, feriarnermilu akissarsiaqarnissamut qanoq pisinnaatitaaffeqarpat? Umiartortut pisinnaatitaaffii assigiinngissuteqarpat sulinngiffeqarnerup nalaani, namminersortuni aammalu pisortat suliffeqarfiutaani - ilaatigut suliffeqarfiit inuiaqatigiinni pigineqartuni? Atorfinni assigiinngiiaartunik atuutsitsisoqarpat, assigiinngissutaannut tunngavigineqartut nassuiaatigeqquneqarput.

Akissuteqaat:

Umiartortut nalunaaquttap akunnermusiallit pillugit, Finansministeriet (Danmarkip Naalagaaffiata ataani) isumaqatigiissuteqartut, allatulli SIK malillugu ilinniagaqanngitsutut imaluunniit ilinniagalittut akunnermut akissaasersorneqartut feriarnissamut, feriarnersiuteqarnissamut, feriarnermilu nalaani akissarsiaqarnissamut pisinnaatitaaffeqarput.

Umiartortunut aamma atuuppoq, allatuulli feriarnermusiassat ukiup siuliani katersorneqarsimanissaat piumasaqaataammat, umiartortup ukiumi feriarfissatut aaliagigaani.

Umiartortut namminersortuni aammalu pisortat suliffeqarfiutaani ilaatigullu suliffeqarfinni inuiaqatigiinnit pigineqartuni assigalugit pisinnaatitaaffeqarput. Tassa, nunami sulinermik inuussutissarsiteqartut assigalugit umiartortut feriarnissamut pisinnaatitaaffik malillugit allatulli pisinnaatitaaffeqarput.

2. Naalakkersuisut arlaatigut umiartortunut tamarmiusunut sulinngiffeqarnerminni sulinngiffeqarsinnaatitaanissaannut aningaasarsiaqarnissaannullu tunngasunik arlaatigut pilersaasaruteqarpat?



Akissuteqaat:

Ferieneq pillugu Inatsisartut inatsisaat nr. 10, 12. November 2001-imeersoq kingusinnerusukkullu allannguutiliup allanngortinnissaanut Naalakkersuisut pilersaaruteqanngillat.

3. Naalakkersuisut umiartortut atugaannik pitsanngorsaannissaamik qanorpiaq pilersaaruteqarpat?

Ineqarnermut Attaveqaatinullu Naalakkersuisoqarfimmut apeqqu akisassanngortinneqarpoq, imalu akissuteqarput:

"Imarsiortut atorfeqarnerminni il.il. atugaat pillugit inatsimmut nalunaarutip, kunngikkormiut peqqussuteqarnerisigut atuutilersussap atuutsinneqalernissaanut suliasat aallartinneqarput. Tamatuma saniatigut Imarsiornermi isumannaallisaaneq pillugu inatsisip (peqqusummut nalunaarut nr. 1674, 16/12/2015-imeersoq aqutugalugu atuutsinneqalersup) kingunerisassai iluarsineqassapput, aammalu nalunaarutit 28-t iluarsaanneqassapput atuutsinneqalissallutilluunniit.

Maleruagassat Kalaallit Nunaanni pissutsinut naleqqussarneqareerpata, inatsisit nalunaarutillu 2026-p ingerlanerani suliasanngorlugit saqqummiunneqarnissaat naatsorsuutigineqarpoq.

Atuutsitsilertarnek Imarsiornermut Aqutsisoqarfiup Ineqarnermut, Attaveqaasersuutitut Isorliunerusunullu Naalakkersuisoqarfik suleqatigalugu ingerlatissavaa.

Inatsisini nalunaarutinilu imarsiortut atorfeqarnerminni atugaasa pitsaanerulernissaat siunertarineqarpoq.

Maleruagassani imarsiortut peqqinnartunik nerisaqarnissaat, atorfininnerminni allakkatigut isumaqatigiisummik tigusaqartarnissaat, aammalu nakorsamit ikiorserneqarsinnaanissaat il.il. siunertarineqarpoq."

4. Inuiaqatigiit pigisaanni umiartortut Kalaallit amerliartorpat imaluunniit ikiliartorpat? Apeqquummut matumunnga akissummut atatillugu ilisimatitsissutigineqassasoq kissaatigineqarpoq inuk suliffeqarfinnit ataasiakkaanit kalaallisut kinaassuseqartutut ersersinneqarpat malittarisassat sorliit atorineqartarnersut.

Naalakkersuisut Siulittaasuata Naalakkersuisoqarfimmut apeqqu akisassanngortinneqarpoq, imalu akissuteqarput:

"Royal Greenland A/S aamma Royal Arctic Line A/S oqaloqatigereerlugit Naalakkersuisut Siulittaasuata Naalakkersuisoqarfiata uppernasarsinnaavaa umiartortut nunaqavissut amerliartortut, ammalu inuup kinaassusaa ersersinniarneqarnerani sulisartup najugaa takuniarneqartarpoq".

Med venlig hilsen

Bentjarq Ottosen